

Հ Ա Շ Վ Ե Տ Վ ՈՒ Թ Յ ՈՒ Ն

2022թ. մայիսի 10-13-ը Լեհաստանի Հանրապետություն կատարած գործուղման արդյունքների մասին

1. Անունը, ազգանունը՝

Տիգրան Գաբրիելյան

2. Զբաղեցրած պաշտոնը՝

ՀՀ էկոնոմիկայի նախարարի տեղակալ

3. Գործուղման վայրը և ժամկետները՝

Լեհաստանի Հանրապետություն՝ ք. Լոդզ, 2022թ. մայիսի 10-13-ը:

4. Հրավիրող կողմը՝

Միացյալ Ազգերի Կազմակերպության Պարենի և գյուղատնտեսության
կազմակերպություն (FAO):

5. Գործուղման նպատակը՝

Մասնակցություն Միացյալ Ազգերի Կազմակերպության Պարենի և
գյուղատնտեսության կազմակերպության Եվրոպայի տարածաշրջանային 33-րդ
համաժողովին:

6. Քննարկված թեմաները՝

Համաժողովին քննարկվել են՝

- Եվրոպայի և Կենտրոնական Ասիայի տարածաշրջանում ագրոպարենային համակարգերի առաջնահերթ խնդիրները, շրջակա միջավայրի և բնական ռեսուրսների օգտագործման միջև օպտիմալ հավասարակշռության ձեռք բերման հնարավորությունները,

- Առողջ սննդակարգի խթանման առաջարկությունները և գյուղատնտեսության ու սննդի համակարգերում ներդրումները՝ բոլորի համար մատչելի, առողջ սննդակարգ ապահովելու գործում,
 - Տարածաշրջանային և գլոբալ քաղաքականության և կարգավորման օրակարգային հարցեր,
 - Օրակարգային 8-րդ կետի շրջանակներում քննարկվել է ERC/22/15 որոշման մեջ ընդգրկված Ուկրաինայի և Ռուսաստանի Դաշնության հակամարտության ազդեցությունները համաշխարհային պարենային անվտանգության և գյուղատնտեսության վրա, ներառյալ պարենի համաշխարհային գների բանաձևը,
 - 2020-2021 թվականներին տարածաշրջանում իրականացված աշխատանքի արդյունքները,
 - 2022-2025 թվականներին կատարվելիք հետագա աշխատանքների առաջնահերթությունները, որոնք արտացոլում են COVID-19-ի հետևանքները:
- **7. Հանդիպումները, ելույթները, բարձրացված կամ քննարկված հարցերը՝**

Միացյալ Ազգերի Կազմակերպության Պարենի և գյուղատնտեսության կազմակերպության Եվրոպայի տարածաշրջանային 33-րդ համաժողովին մասնակցել է 261 պատվիրակ, այդ թվում՝ ինը նախարար, ութ փոխնախարար, պետքարտուղարներ և 52 անդամ պետությունների ներկայացուցիչներ: Մասնակիցների ցանկում էին նաև՝ անդամ երկրներից մեկական դիտորդ, վեց ՄԱԿ-ի կազմակերպություն, 16 միջկառավարական կազմակերպություն, երկու Միջազգային հասարակական կազմակերպություն, քաղաքացիական հասարակության վեց ներկայացուցիչ, ութ ներկայացուցիչ մասնավոր հատվածից և հինգ ներկայացուցիչ գիտական և հետազոտական ոլորտից:

Համաժողովը բացել է Լեհաստանի փոխվարչապետ, գյուղատնտեսության և գյուղական համայնքների զարգացման նախարար Հենրիկ Կովալչիկը: Ողջունելով համաժողովի մասնակիցներին, փոխվարչապետը նշել է, որ իր երկիրը հանդիսանում է գյուղատնտեսական երկիր և իրենց համար մեծ պատիվ է հյուրընկալել FAO-ի համաժողովը արտադրության ոլորտում հարուստ պատմություն ունեցող Լոդզում: Փոխվարչապետը մատնանշել է FAO-ի դերը՝ ընդգծելով, որ կազմակերպության Եվրոպայի 33-րդ տարածաշրջանային համաժողովը գյուղատնտեսության և պարենային անվտանգության հարցերի շուրջ քննարկումների համար կարևոր հարթակ է:

Համաժողովին ելույթ է ունեցել նաև Լեհաստանի արտգործնախարար Զբիգնև Ռաուն, FAO-ի Գլխավոր քարտուղար Քու Դոնգյուո, Եվրոպական հանձնաժողովի

գյուղատնտեսության հարցերով հանձնակատար Յանուշ Վոյցեխովսկին և Լոդզի քաղաքապետ Տոբիաս Բոչենսկին:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

Համաժողովի վերջում ընդունվել է համաժողովի հաշվետվությունը և որոշվել է ՄԱԿ-ի Պարենի և գյուղատնտեսության կազմակերպության (FAO) Եվրոպայի 34-րդ տարածաշրջանային համաժողովի տեղը և վայրը:

9. Ստորագրությունը, ամսաթիվը՝



18.05.2022թվ.